



Svjesni značaja rijeke Save za privredni, društveni i kulturni razvoj u regiji,

Sa željom da se razvije unutrašnja plovidba rijekom Savom,

Uzimajući u obzir da Direktiva 2005/44/EC Evropskog parlamenta i Savjeta od 7. septembra 2005. godine o usklađenim Riječnim informacionim servisima (RIS) na unutrašnjim plovnim putevima u zajednici i UNECE Rezolucija br. 48 koja se odnosi na INLAND ECDIS, predstavljaju set upućujućih propisa sa važnom ulogom u unutrašnjoj plovidbi,

Sa željom da se u potpunosti provede harmonizirani Inland ECDIS (Elektronski prikaz karata i sistema informacija) standard u slivu rijeke Save,

Vjerujući da razvoj i ažuriranje elektronskih karata za unutrašnju plovidbu u Evropi treba da se temelji na harmoniziranom standardu,

U skladu sa članom 16. stavovima 1. (a) i 2. Okvirnog sporazuma o slivu rijeke Save, Međunarodna komisija za sliv rijeke Save (Savska komisija) na svojoj 30. sjednici održanoj 7.-8. novembra 2012. godine donosi

ODLUKU – 16/12

o

IZRADI I AŽURIRANJU ELEKTRONSKIH NAVIGACIONIH KARATA ZA UNUTRAŠNJU PLOVIDBU (IENC) U SLIVU RIJEKE SAVE

1. Prilikom izrade IENC-a za sliv rijeke Save, primjenjivaće se minimalno Verzija 2 Elektronskog prikaza karata i sistema informacija.
2. Minimalni IENC set podataka za izradu IENC za sliv rijeke Save će sadržavati:
 - Obale vodnog puta;
 - Obalske konstrukcije (npr. naper, obaloutvrda...)
 - Svaki objekat za koji se smatra da predstavlja opasnost plovidbi;
 - Konture prevodnica i brana (tj. projekciju površine objekta);
 - Granice plovnog puta (ukoliko su definirane);
 - Os plovnog puta sa kilometrima / hektometrima;

- Izolirane opasnosti u plovnom putu koje su ili:
 - a) pod vodom (prepreke);
 - b) iznad površine vode (npr. mostovi, zračni vodovi);
 - Zvanični Sistem obilježavanja za pomoć u plovidbi (npr. bove, plovci, svjetla, znaci obilježavanja);
3. Ažuriranje IENC-a vršice se jednom godišnje ili kada dođe do značajnih promjena u sadržaju IENC-a.
 4. Strane će sa Savskom komisijom koordinirati prioritete i vremensko planiranje izrade IENC-a za sliv rijeke Save.
 5. Strane će dostavljati Savskoj komisiji sve postojeće i ažurirane IENC za sliv rijeke Save bez nadoknade.
 6. Ova Odluka je obavezujuća za Strane Okvirnog sporazuma osim ukoliko bilo koji član Savske komisije povuče svoj glas u roku od 30 dana od dana donošenja Odluke ili obavijesti Savsku komisiju da Odluka podliježe odobrenju nadležnog tijela njegove države.

Ukoliko bilo koji od članova Savske komisije povuče svoj glas u roku od 30 dana od dana donošenja Odluke ili obavijesti Savsku komisiju da Odluka podliježe odobrenju nadležnog tijela njegove države, Sekretarijat Savske komisije će o tome obavijestiti ostale članove Savske komisije.
 7. Ukoliko niko od članova Savske komisije ne povuče svoj glas, niti obavijesti Savsku komisiju da Odluka podliježe odobrenju nadležnog tijela njegove države, ova Odluka stupa na snagu 8. decembra. 2012. godine.
 8. Nakon stupanja na snagu, ova Odluka postaje u potpunosti obavezujuća i neposredno se primjenjuje u svim Stranama Okvirnog sporazuma.
 9. Sekretarijat će obavijestiti Strane Okvirnog sporazuma o stupanju na snagu ove Odluke

Ref. Br: 1S-30-D-12-4/1-2
Zagreb, 8. novembra 2012. godine

Dragana Milovanović
Predsjedavajuća Savske Komisije

